

## Independensia

---

**Independensia ta parse un konsepto transparente. Den mundu di corporate governance tambe esaki ta parse di ta asina. Pero esaki ta solamente aparensia. Independensia, den práktika di corporate governance ta yùist un konsepto hopi kompliká.**

Den práktikamente tur *kódigo* di corporate governance tin pará ku komisarionan mester posishoná nan mes di forma independiente. E Kódigo di Corporate Governance di Kòrsou ta determiná den artíkulo 2.9 ku e Hunta di Komisario ta di tal forma hinká den otro, ku komisarionan por operá di forma independiente i kítiko pa ku otro, e direktiva i kualke interes parsial ku tin.

Den e kódigonan, mayoría biaha ta elaborá riba independensia na un manera bastante unidimenshonal: famia di sanger i famia polítiko denter di òf ku e hunta, direktiva òf partidonan komersial ta inakseptabel. Lástimamente kosnan no ta dje simpel ei. Den práktika di tur dia, un komisario por hañ'é ku tur sorto di reto riba su kaminda. Reunion General di Akshonista (AvA - Algemene vergadering van Akshonistas) ta nombrabo, pero kiko ta bo loyalidatnan den direkshon di AvA e ora ei? Unda bo loyalidat ta si ta un sierto akshonista a nombrabo òf si ta pa motibu di dje a nombrabo? I si e akshonista ei pidibo pa informashon spesífiko di empresa, bo tin mag di duna esaki? Kiko ta sosodé si un desishon ku hunta tin intenshon di adoptá, no ta na interes di esun ku a rekomendá òf nombrabo? Bo mester protestá e ora ei? Bo mester ta honesto tambe e ora ei tokante e motivashon di bo skohensia? Komo komisario, bo a gusta ku un miembro di gerensia. Bon mirá, e persona akí no ta funshoná dje bon ei. Bo ta intervení na tempu si e ora ei? Esakinan ta preguntanan ku komisarionan hopi biaha ta kontestá den soledat. Mayoria kódigo no ta bisa mashá riba tipo di dilemanan asina akí. Kon bo mester dil ku esaki e ora ei?

Loke ta di vital importansia ta ku tin un kòrtá entre un nombramentu i loyalidat. Komo komisario bo no tin un loyalidat pa ku esun ku a nombrabo. Interes di e empresa ta bo úniko loyalidat.

Den derechi konstitushonal nos konosé e konsepto 'sin risibí instrukshon'. Ta nos tur ta skohe representantenan di pueblo. Apesar di esei, den Parlamento ta nan ta disidí na un manera kompletamente outónomo (art. 56 insiso 3 Konstitushon di Kòrsou). Nan no mester tuma instrukshon di niun hende, ni di nan votadónan ni di nan partido. Presis mesun kos ta konta pa komisarionan den e relashon ku e persona ku a nombra òf rekomendá nan. Nan punto guidó, interes di e empresa, ta fihá den lei. Segun artíkulo 2:19 insiso 7 KS Kòrsou, e hunta di komisario, den ehersementu di su tarea, ta pone su enfoke riba interes di e persona hurídiko.

Ta un lástima ku na Kòrsou, St.Maarten i islanan BES, nos a inkluí un añadishon na e stipulashon akí den lei ku ta trese bruashon. Lei hulandes no konosé e stipulashon akí. E añadishon akí (tambe den art. 2:19 insiso 7 KS) ta indiká ku e komisario den su desishonnan tin mag, spesífikamente, di sali na defensa tambe '*di interesnan di e persona*

---

*ku a nombr'é òf rekomend'é i (tin mag di) laga e interesnan akí konta relativamente pisá'. Si bo lesa e stipulashon akí bon den su konteksto, e ora ei bo ta mira ku, segun lei, pa definishon interes di e empresa tin preferensia tòg.*

T'asina ku lei, den tenement'i kuenta ku interesnan di e persona ku a nombra e komisario, ta duna e limitashon *'teniendo kuenta ku e frase anterior'*". E frase akí ta indiká ku komo komisario, bo mester dirigí bo mes riba interes di e empresa. Lástimamente no ta tur komisario por lesa bon. Pa mi parti por skrap e stipulashon ei mesora tambe. E stipulashon akí a kousa mas bruashon ku resultado positivo. Pa kada komisario, independensia lo mester nifiká ku, kompletamente segun bo propio diskreshon, bo ta duna un kontribushon na e tumamentu di desishon na interes di e empresa.



[Frank Kunneman](#)

VanEps Kunneman VanDoorne  
Attorney at law | Partner

T +5999 461 3400 ext. 254

E [kunneman@vandoorne.com](mailto:kunneman@vandoorne.com)

---